

**Dumonda Preisig concernent derschadras e derschaders en uffizi accessoric senza scolaziun giuridica
(uschenumnadas derschadras e derschaders laics)**

En connex cun las reportaschas davart il process da violaziun a la Dretgira regiunala Plessur è resultada la dumonda, sch'igl è – pervia dals cas pli e pli complexs – insumma anc conform al temp d'engaschar derschadras e derschaders laics ubain sche talas e tals vegnan preparads suffizientamain per lur lavur da gronda responsabladad.

L'incumbensa da la Cumissiuin per giustia e segirezza (CGS) concernent l'examinaziun e l'optimaziun da la giustia chantunala sin plaun d'emprima istanza, ch'era vegnida inoltrada en l'ultima sessiun d'october, incumbensescha la Regenza da far entaifer 1 onn in rapport concernent l'optimaziun da l'organisaziun da las dretgiras d'emprima istanza e da resguardar en quest connex divers puncts (enumeraziun betg definitiva) en sias ponderaziuns. In dals puncts che vegnan enumerads sco exempels è la «occupaziun da las dretgiras d'emprima istanza». La dumonda qua avant maun vul extender quest punct sin l'examinaziun da la giurisdicziun laica.

Per quest motiv supplitgeschan las sutsegnadras ed ils sutsegnaders la Regenza da responder las suandantas dumondas:

1. È la Regenza pronta d'extender – en il rom da l'incumbensa da la CGS menziunada qua survar – il punct concernent l'occupaziun da las dretgiras d'emprima istanza e da far in'examinaziun generala da las derschadras e dals derschaders en uffizi accessoric senza scolaziun giuridica (uschenumnadas derschadras e derschaders laics)? En quest connex duain vegnir examinads tranter auter ils suandants puncts:
 - avantatgs e dischavantatgs da derschadras e derschaders laics;
 - introducziun en l'uffizi;
 - furmaziun supplementara;
 - consequenzas d'ina eventuala aboliziun da la giurisdicziun laica.
2. Co sa preschenta la situaziun concernent la giurisdicziun laica en l'entira Svizra respectivamain en tge direcziun sa movan ils auters chantuns?

Cuira, ils 5 da december 2024

Preisig, Oesch, Messmer-Blumer, Atanes, Bachmann, Bardill, Baselgia, Biert, Bischof, Bisculm Jörg, Bleuler-Jenny, Cahenzli-Philipp, Danuser (Cuira), Degiacomi, Dietrich, Furger, Gartmann-Albin, Gredig, Hoch, Kaiser, Kreiliger, Mazzetta, Müller, Nicolay, Rettich, Rusch Nigg, Rutishauser